

# Aruparking cu un maneho flexibel pa conscientisa comunidad riba introduccion di Parkeermeters

ORANJESTAD (AAN): Dialuna oficialmente a cuminsa cu e maneho di parkeermeters den centro di ciudad.

Aruparking ta comprende cu comunidad ainda lo mester custuma cu e cambio aki y pesey lo no bay tuma accionnan drastico mesora. Actualmente e inten-

cion ta pa conscientisa tur hende di kico por y no por cu e cambio aki den nos sistema di stacionamento den centro di ciudad. Ta hopi importante pa tur hende ta mas consciente di unda por staciona nan vehiculo.

Por staciona solamente unda

ta marca. E areanan marca cu geel ta pa esunnan cu tin un parkeer vergunning y e espacionan marca na blanco ta destina pa e bishitantenan di centro di ciudad. Tin stacionamento marca na por ehempel Arubus, patras di ex Tivoli, na ex Texas, patras

di La Moderna, tin banda di Corte y patras di Botica Oduber. Tur tin nan mashin di Parkeer cu lo bo por deposita e tarifa dependiendo cuanto ora bo ta staciona bo vehiculo.

Ta pidi pa tur hende orienta nan mes bon unda e espacionan



pa staciona ta ubica pa evita cualkier mal entendimiento, mirando cu un di e enfokenan di henter e proyecto di Parkeermeters ta pa regula stacionamento di vehiculo den nos centro di ciudad evitando incidentenan of accidentenan. Di awor padilanti no por staciona vehiculo riba acera of unda cu ta mas. Dialuna un cantidad minimo di vehiculonan mal staciona a keda transporta cu takelwagen mirando cu nan no a cumpli cu nos leynan di trafico.

Pa esunnan cu a scoge pa staciona nan vehiculo acuerdo cu e sistema nobo di Parkeermeters, Aruparking a opta pa un maneho flexibel cu lo tin un duracion di 2 pa 3 dia, pa custuma cu e cambio, pero lo yega e momento cu mester aplica e leynan stipula pa esaki. Kier corda comunidad cu na e lugarnan marca y cu tin parkeermeters, despues cu bo tempo caduca bo tin un tempo di 15 minuut pa recarga. Si den 15 minuut bo no a recarga, lo pone un klem na e auto. Esaki tin un multa di 75 Florin cu ne. Si despues di 3 ora Aruparking no a ricibi un reaccion di e doño di e vehiculo lo pasa mesora pa takel e auto cu e costo adicional di 150 Florin.

Pa cualkier informacion adicional pasa libremente na oficina di Aruparking, of por bishita tambe e pagina di Facebook/Aruparking y keda bon informa riba e desaroyo di e sistema nobo den nos centro di ciudad.